



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 30. Gennadius Massiliensis.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

posse ad Beatitudinem pervenire. Tum Sæculum V.
A. C. 493. hujusmodi Principia ad Praxin deducens Clericis, Monachisque cum puellis Deo Sacris conversandi licentiam dabat, dicens, nihil periculi subesse, nisi ipsi peccare vellent. SS. Hieronymi, & Augustini famam indigne proscindebat, & quemdam Presbyterum erroribus suis obsistentem excommunicaverat.

Senem illum ad se adductum Gelasius Papa admodum rudem, hominemque rustici & abjecti ingenii expertus est, cui pro ratione pervicacia stabat. Epist. 7. Cum igitur frustra conatus esset obstinatum convincere, ad illius Provinciæ Episcopos prolixam dedit epistolam, in qua istos refellit errores, & Episcopos, quod segniter hoc malum tolerarent, graviter increpat. Hanc Diaconus, cui nomen Romulus, detulit, atque i. Nov. Albino Con- Tract. 3. to.
4. Conc. p.
1240. sulatum gerente, id est, anno 493. data est. Gelasius Papa etiam Tractatum adversus Pelagianos composuit, in quo præprimis docet, Hominem sine peccato vivere non posse. In eo explicat Resurrectionis Mysterium, atque illa Apostoli I. Cor. 7. verba; virum Infidelem a Muliere fidei sanctificari.

§. XXX.

Gennadius Massiliensis.

In Gallia quoque non nulli aut Pelagianorum

Sæculum V.
A.C. 493.

norum Hæresi favebant, aut certe S. Augustini Doctrinæ de Gratia non adstipulabantur. Eorum ex numero fuit Genadius Presbyter Massiliensis, qui in edito Indice Scriptorum Ecclesiasticorum in laudibus Fausti Rejenſis plurimus est. E contra cum S. Prospero jurgatur, quod Cassiano adverſetur, imo & ipsum S. Augustinum audet laceſſere. Hoc opus sub annum 493. concinnavit, atque Scriptor, quem ultimo memorat, est S. Honoratus Episcopus Massiliensis. De isto Auctore scribit in hunc modum: *Eloquentia pollet, atque in Ecclesia e vestigio ad populum dicit. Ab unguiculis in timore Dei educatus, & in negotiis Ecclesiasticis exercitatus est. Os viri locupletissimo Divinarum Scripturarum promptuario simillimum est. Homilias scribit ad explicandam fidem, & convincendos Hæreticos utilissimas. Non modo Episcopi, & Presbyteri vicini concionantis sermonibus delectantur, sed etiam remotiores, si nata necessitate ad eos delatus fuerit, exorant, ut in eorum Ecclesiis ad populum verba faciat. Ipse S. Papa Gelasius Episcopus Romanus, postquam ex ejus libris Fidem ejusdem integerrimam cognovisset, dato Responso testatus est, quod virum maximi æstimet. Vitas SS. Patrum, præsertim S. Hilarii Arelatensis, cujus Alumnus fuit, ædificandæ Posteritati scribit. Sæpissime cum*
populo

populo inter publicas preces ad imploran- Sæculum V.
dam Divinam Misericordiam procedit. A. C. 493.

Hæc Gennadius de S. Honorato Episcopo Massiliensi. Unicum ex omnibus hujus S. Episcopi operibus, vita S. Hilarii Arelatensis, ad nostram usque ætatem pervenit.

Gennadius mentionem etiam facit Sidonii, haud diu ante sub Zenone Imperatore fatis defuncti. *Vir erat, inquit, Divinis, humanisque litteris apprime instructus, ejusque ingenii elegantiam in libris, quos prosa, & versibus edidit, omnes mirantur. Præterea zelo, qui virum Christianum decet, vigeat; hinc tanquam Pastor Catholicus, & Docteur insignis, inter feroces Barbaros, quibus Gallia tunc temporis obruebatur, positus, ab omnibus colitur. Cum amicorum aliquis Sidonium excitaret, ut Historiam profanam scriberet, hoc facere recusavit, potissimum afferens argumentum, id Scriptionis genus* IV. Epist.

Clerico non convenire. Vaticinatus est, successurum sibi Aprunculum, qui, cum 22.

esset Episcopus Lingonensis, excedere compulsus est, quod Burgundionibus suspectus esset, & Dominationem Francorum exoptare videretur. Ecclesia Claromontana Sidonii memoriam 21. Aug. colit.

Gennadii opus esse creditur Liber de Dogmatibus Ecclesiasticis, qui licet inter To. 8. op. 8.
Aug. ap. p.

Sæculum V. S. Augustini opera inveniatur, ipsius Do-
 A. C. 493. ctrinæ minime consentaneus est.

§. XXXI.

*Gelasii Papæ epistola ad Impera-
torem.*

Epist. 8. Faustus & Ireneus Regis Theodorici Le-
 gati Romam reversi, Gelasio Papæ
 indicarunt, Imperatorem Anastasium
 quæsisse, cur sibi non scripsisset. Igi-
 tur Papa dedit ad eum epistolam, in hunc
 ferme modum: *Scripsissem enimvero, si
 meo uti arbitrio licuisset. Cum vero Le-
 gati tui ubivis locorum dicerent, sibi esse
 in mandatis, ne quidem conspectum meum
 subirent, visum mihi abstinendum esse a Lit-
 teris, quas tibi molestas fore prævidebam.*
 Inferius addit hæc verba notatu dignis-
 sima: *Duobus potissimum Modis hic Mundus
 regitur; Sacra Episcoporum Auctoritate,
 & Regum Potestate. Episcoporum Mu-
 nus altero ideo majus est, quod coram Di-
 vino Tribunali de Regum quoque anima-
 bus rationem reddituri sint. Quod enim
 non nescis, quamvis Cæsarea Dignitate
 supra Genus humanum sis, coram Præsuli-
 bus tamen caput inclinas, Sacramenta ab
 ipsis accipis, in causis Religionem tangen-
 tibus ipsis subjicis, Judicia sequeris, &
 ipsi tuæ voluntati se non submitunt. Si
 Episcopi obediunt Legibus tuis, quantum
 ad*